



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

3. Dies Augusti. Grande est, intra se aliquem tranquillum esse, & sibi
convenire.

urn:nbn:de:hbz:466:1-45477

nisi inimico ignoscas. Inimicus tibi erit leges honoris, & gloria, si immemor fueris injuriæ.

3. DIES AUGUSTI.

Grande est, intra se aliquem tranquillum esse, & se convenire. *S. Ambr. l. de Jacob. l. 2. c. 6.*

Pax animi.

I. **P**AUCOS, qui sibi convenient, invenies. Intra se esse tranquillum tam singulare, quam commune extra se esse seditiosum. Quo

modo residebit in corde Pax, ubi ardet fax omnium bellorum cupiditas, quæ perpetuò effert signum canit classicum? Pax absoluta omnibus suis muneribus haberi non potest, ubi qui pacem tollunt, sunt hostes innumeri. Hic enim secreti à principe pacis, in exilio degimus; sepositi à patria pacis; hoc est, ab illa, quæ sursum est, Jerusalem, in hac terra colluvione vivimus. Tunc imperturbabilis erit pax, cum ad cœtrum omnis boni dabitur aditus, & exuti mortuæ tatis exuviis, arctè cum principio nostro, Deo, qui in principio creavit cœlum & terram; relictâ terra ingressi cœlum, Conjungemur. Quare cum divinum proprium sit esse omnino immobile, totum unum multiplicare vacuum, molestiarum omnium expensæ & contrariorum inane, se contentum, atque in bono, quod affectionem omnem exhaurit, felicissimè quiescens. Anima Deum possidens, & ab eo clarissimis radiis illuminata, & affluentia omnium bonorum circumamicta, illum statum, & quietem invenitur. Hujusmodi plenam pacem frustra in hujus vite curriculo expectes, supra Empyreum tutum sibi, nullis mutationibus obnoxium, nacta est domicilia

II. Addo tamen comittendum esse, quantum studio, & contentione consequi possimus, ut si non penitus extinctis, at sopitis inter carnem, & spiritum bellis, tam optabili pacis bono perfruamur. Est enim præstabilissimum Dei donum, pulcherrimum animi bonum; compositæ rationis decus magnum, politæ beatarum mentium simillimum. Et hæc pax, quæ affectuum excludit illecebras, ac perturbationes mitigat, sublimior est, quàm ea, quæ barbaricos sedat incursus, Hinc D. Ambrosius illud vetus dictum inculcat: (a) *Assuesce unus esse: quod sic interpretatur: Ut vita sua quandam picturam exprimat, undem semper servans imaginem, quam acceperat.* Negat igitur unum esse, qui per momenta vârius, & dilcolor, nunc in vultu, iracundiæ æstu irruebat, nunc pallore immutetur, nunc instar Protei aliis turbolis animi affectionibus insaniat. Nam qui invidi sunt, qui impatientiæ motu furiosi, quibus ardens dominatur iracundia, vix unquam, etiam cum magna perfruuntur solitudine, sunt soli. Fingunt enim sibi adesse, à quibus superbiùs se appellatos, aut contemptos putent: ingerunt convitia, minantur, respondent, quasi aliena dicta exaudirent. Denique miserum cor, ut diversorum audacium bellatorum, ragedias, tumultus, seditiones sustinet. Hujusmodi enim homines affectionum in freto, atque inanum rerum perturbatione incredibiliter jactantur, unde à littore, & quieto animi statu, quasi à benefida statione, sævis turbinibus rejiciuntur, cum nusquam minùs, quàm apud se liceat consistere.

Pp 5

III, Qui

(a) *Ambros. l. 2. epist. 52.*

III. Qui verò uni Deo adhærent, sibi que, ac se
cum conveniunt, seseque ventis, ac procellis sub-
ducunt, in quieto sinu cordis, ut placidissimo in po-
tu, dulcissimâ tranquillitate potiuntur. Est enim cer-
tum illud Davidis pronuntiatum: (a) *Factus est in pace
locus ejus*. In hac quiete animi pacifici est honoratum
Numinis diversoriū, & venerandum Tabernaculum
in quo lubens commotatur. In tali corde Deo circū-
septus omni genere gratiarum, sibi hospitium deligit
ibi ut Sol radios suos immittit, ad divina cognosce-
da; tu Magister docet, ut Patronus defendit, ut Spon-
sus amat, ut Pater providet, ut Rex conservat, ut for-
dulcedinum mentem inebriat. Ubi est, ex mente Salo-
monis, (b) *juge convivium*. Quia cor pacificum, quā-
in opiparo convivio, & perpetuis lætitiis viveret, con-
tinuâ animi jucunditate perfunditur, Dei præsidio, &
amicitiâ lætatur. Non Perfici apparatus, non saliare
dapes, non cœnæ Pontificum, non obsoma Curiarum,
non delicatiorum scitamenta, tot, tantas, ac tam liqui-
das percipiunt voluptates. O Regiam dotem cordis
pacifici: In eo est tabernaculum Dei, hierotheca
Spiritus sancti, promptuarium cœlestium gratia-
rum. Ibi frontis serenitas, mentis tranquillitas, animi
fœlicitas, Numinis præsidium, jure convivium, uno
verbo, vita beata. Placet accipere tanti boni obtine-
di methodum, & quidem per compendium? Accipe
D. Leonis pronuntiarum: (c) *Tunc est vera pax homo-
nis, & vera libertas, quando & caro animo iudice regit-
tur & animus Deo præside gubernatur*. Huic accedat
sua sor pacis Poëta. Tunc in pace furis, si ut ille mone-

Certamen, lites, rixas, & jurgia vites.

a) *Psal. 37. 3.* (b) *Prov. 15. 15.* (c) *Serm. 1. de Quad.*